

Elektronisk rekvisisjon mellom sjukeheimar og pasientreiser

Syner til sak om elektronisk rekvisisjon mellom sjukeheimar og pasientreiser som vart tatt opp i fagrådet 26.11.2020.

Saka gjeld:

Kommunane Kinn og Høyanger har delteke i ei prøveordning der to sjukeheimar har hatt elektronisk rekvisisjonsrett hos pasientreiser. Dette er ei ordning som kommunane opplev nytte av, og som har ført til mindre ressursbruk ved at sjukeheimen slepp bruke legesenter som mellomledd for å bestille transport.

Vedlagt konklusjon frå fagrådet:

Seksjonsleiar Trude Helgås informerte om regelverk og praksis knytt til problemstillinga om at sjukepleiarar på sjukeheimar ikkje får rekvirere transport gjennom Pasientreiser.

Revidering av rekvisisjonspraksis er forventa i løpet av 2021. Pr dato er rekvisisjonsretten i kommunane avgrensa til lege, noko som er ei stor utfordring for arbeidskvardagen ute i kommunane. Litt diskusjon omkring dagens praksis, der kommunerepresentantane oppfordrar Helse Førde og Pasientreiser til å lempe på dagens praksis – og mogeleggjere at lege kan delegere denne oppgåva til sjukepleiar. Pasientreiser ynskjer helst elektronisk rekvisisjon.

Konklusjon; Fagrådet ynskjer å få saka attende med ei utdjuping av dagens praksis både i sjukehus og i kommunane, samt kome med innspel til revidering av framtidig rekvisisjonspraksis og korleis optimalisere elektronisk rekvisisjon frå kommunesektoren.

Ietterkant av møtet i fagrådet avslutta pasientreiser prosjektet.

Saka vart difor drøfta i Helse – og omsorgsutvalet 18.01.21, der medlemmane gjev uttrykk for at dagens praksis er unødig ressurskrevjande og fører oppgåver over på ei fastlegeteneste som allereie er pressa. Helseministeren presiserte i sitt årlege oppdrag til sjukehusa i 2020 at ein ikkje skal overføre sekretæroppgåver frå spesialisthelsetenesta til fastlegar. Ved å innføre elektroniske løysingar for rekvisisjon, men samstundes ikkje opne for at dei som treng tilgang i kommunen får dette, så medfører dette ekstra arbeid både for dei tilsette i institusjon og for fastlegetenesta.

Kommunane er positive til at transport skal rekvirerast elektronisk, men i all den tid pasientreiser legg føringar for elektronisk rekvirering av transport, må det også leggast til rette for at dei med behov for rekvisisjonsrett i kommunane får tilgang til programma for å kunne gjere dette.

Institusjonspasientar vert følgt opp av tilsynslegar, det må leggast til rette for at det då er mogleg for sjukepleiar på institusjon å bestille transport på lik linje med at dette ved fastlegekontoret er ei oppgåve delegert til helsesekretær.

- Kommunane ber om at pasientreiser og Helse Førde anten legg til rette for elektronisk rekvisisjon for dei instansane som treng nytte seg av dette i kommunen. Alternativt må det leggast til rette for at institusjonane kan rekvirere transport på anna vis enn å nytte seg av mellomledd for å nå pasientreiser.

På vegne av kommunane i opptaksområdet til Helse Førde v/ kommunedirektør, kommunalsjef og kommuneoverlegar.